



Broj: 101-1-2481/26  
Datum: 8.6.2026.

Na osnovu člana 64. stav (1) tačka a), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 50/24), članom 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-2473/26 od 5.6.2026. godine, rektorica Univerziteta „Džemal Bijedić“ u Mostaru, donosi

## ODLUKU

### **o izboru najpovoljnijeg ponuđača u postupku nabavke „Nabavka usluga sistematskog pregleda zaposlenika Univerziteta 'Džemal Bijedić' u Mostaru“**

#### I

Prihvata se preporuka Komisije za javnu nabavku u postupku nabavke usluga sistematskog pregleda zaposlenika Univerziteta „Džemal Bijedić“ u Mostaru, broj: 180-2473/26 od 5.6.2026. godine i Ugovor za javnu nabavku u predmetnom postupku se dodjeljuje ponuđaču **ZSU POLIKLINIKA „VITALIS“ Mostar, u skladu s ponudom broj 85-26 od 22.5.2026. godine.**

#### II

Ugovor za javnu nabavku dodjeljuje se ponuđaču iz tačke I ove Odluke sa ukupnom maksimalnom cijenom sistematskog pregleda od 12.132,00 bez PDV-a. Konačna cijena utvrdit će se po okončanju realizacije usluga, na osnovu stvarnog broja izvršenih sistematskih pregleda zaposlenika. Ukupna cijena ne može preći maksimalan iznos naveden u ovoj Odluci.

#### III

Jedinična cijena sistematskog pregleda prema stavkama iz Javnog poziva za žene iznosi 90,00 KM bez PDV-a.

Jedinična cijena sistematskog pregleda prema stavkama iz Javnog poziva za muškarce iznosi 81,00 KM bez PDV-a.

#### IV

Prijedlog Ugovora o nabavci dostavit će se na potpis odabranom ponuđaču nakon isteka roka od 10 dana, od dana objave dobrovoljnog ex ante obavještenja o transparentnosti.

#### V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



## VI

Obavještenje o dodjeli ugovora i izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

## Obrazloženje

Odlukom broj: 101-1-2102/26 od 14.5.2026. godine pokrenut je postupak javne nabavke usluga sistematskog pregleda zaposlenika Univerziteta 'Džemal Bijedić' u Mostaru, putem postupka dodjele ugovora o uslugama iz Aneksa II Zakona o javnim nabavkama BiH. Komisija za provođenje postupka javne nabavke usluga sistematskog pregleda zaposlenika imenovana je Odlukom broj: 101-1-2103/26 od 14.5.2026. godine. Predmetna nabavka provedena je u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama BiH („Službeni glasnik BiH“ broj: 2/23). Shodno Odluci o pokretanju nabavke ukupna procijenjena vrijednost nabavke bez PDV-a iznosi 15.000,00 KM. Kriterij za dodjelu ugovora je ekonomski najpovoljnija ponuda. Obavještenje o nabavci usluge iz Aneksa II Zakona o javnim nabavkama broj: 66-9-2-6-22-35/26 objavljeno je na portalu javnih nabavki dana 15.5.2026. godine, zajedno sa Javnim pozivom za dostavljanje ponuda. U predviđenom roku za prijem ponuda (5.6.2026. godine do 09:30 sati) zaprimljene su dvije (2) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-2196/26	J.U. DOM ZDRAVLJA STARI GRAD MOSTAR	21.5.2026. u 8:10h
2.	180-2311/26	ZSU POLIKLINIKA VITALIS	1.6.2026. u 9:25h

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponuda vezano za ispunjenje zahtjeva u pogledu opisa predmeta nabavke i obrasca za cijenu ponude.

**Nakon izvršenog pregleda ponuda Komisija je jednoglasno konstatovala sljedeće:**

**Ponuda ponuđača J.U. DOM ZDRAVLJA STARI GRAD Mostar je kompletna i prihvatljiva i u istoj su dostavljeni svi traženi dokazi propisani Javnim pozivom, na propisan način. Ukupna cijena ponude iznosi 16.408,00 KM bez PDV-a. Ponuđač je dao popust od 2.133,04 KM, tako da ukupna cijena ponude s popustom bez PDV-a iznosi 14.274,96 KM.**

**Ponuda ponuđača ZSU POLIKLINIKA VITALIS Mostar je kompletna i prihvatljiva i u istoj su dostavljeni svi traženi dokazi propisani Javnim pozivom, na propisan način. Ukupna cijena ponude iznosi 20.220,00 KM bez PDV-a. Ponuđač je dao popust od 8.088,00 KM, tako da ukupna cijena ponude s popustom bez PDV-a iznosi 12.132,00 KM.**

Kriterij za dodjelu ugovora je ekonomski najpovoljnija ponuda, te su prema potkriterijima ponuđači čije su ponude ocijenjene kao prihvatljive dobile sljedeće bodove:



Rb	Ponuđač	Potkriterij cijena bez PDV-a sa popustom	Bodovi za potkriterij cijena	Potkriterij Udaljenost zdravstvene ustanove od sjedišta ugovornog organa	Bodovi za potkriterij udaljenost	Ukupan broj bodova
1.	J.U. DOM ZDRAVLJA STARI GRAD	14.274,96 KM	76,49	2,1 km	10	86,49
2.	ZSU POLIKLINIKA VITALIS	12.132,00 KM	90	2,4 km	10	100

Shodno svemu naprijed navedenom Komisija je jednoglasno ocijenila da je ponuda ponuđača **ZSU POLIKLINIKA „VITALIS“ Mostar, sa ukupnom cijenom ponude u iznosu od 12.132,00 KM** najpovoljnija, a u skladu sa postavljenim kriterijem ekonomski najpovoljnija ponuda, te jednoglasno predložila da se u nabavci predmetnih usluga ugovor dodijeli ponuđaču ZSU POLIKLINIKA „VITALIS“ Mostar.

**Ovom Odlukom prihvaćen je prijedlog Komisije.** U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Javnim pozivom.

**Pouka o pravnom lijeku:**

Žalba se izjavljuje URŽ-u putem Ugovornog organa, najkasnije 10 dana od dana objave dobrovoljnog ex ante obavještenja o transparentnosti.

REKTORICA

prof. dr. Alena Huseinbegović

**Dostaviti:**

1. Ponuđaču: POLIKLINIKA VITALIS
2. Ponuđaču: DOM ZDRAVLJA STARI GRAD
3. U predmet
4. a/a